

UNIVEZITET U ZENICI

MTALURŠKI INSTITUT
KEMAL KAPETANOVIĆ
ZENICA

UKRATKO O MONOGRAFIJI INSTITUTA

- *U oktobru 2011. godine Metalurški institut "Kemal Kapetanović" obilježio je značajan jubilej – 50 godina postojanja i rada. Bilo je predviđeno da tada bude objavljena i Monografija, ali je to iz objektivnih razloga odgođeno za godinu – 2012.*
- *Prije nekoliko dana, iz štampe je izašla Monografija Instituta pod naslovom SVE NAŠE GODINE (1961 – 2011) u tiražu od 1.000 primjeraka i uobičajenom monografskom formatu – A4. Ima više od 200 stranica, preko 20 poglavlja, a prema ocjenama znalaca privlačno je grafički i oblikovana. Ilustrovana je atraktivnim fotografijama – arhivskim i novosnimljenim. Odštampana je u Štampariji u Fojnici.*
- *Izdanje o kojem je riječ iz raznih uglova osvjetljava najvažnije razvojne faze Instituta, uspjehe njegovih radnika i stručnjaka, ali i neke krizne, pa i periode stagnacije. Poseban prostor posvećen je Institutu i njegovoj ulozi u ratnim godinama, kao i izuzetnom doprinosu ove naučnoistraživačke organizacije u, na njen način, odbrani Bosne i Hercegovine od agresije;*
- *Monografija je interesantna i po tome što se na njenim stranicama pojavljuju tekstovi čiji su autori cijenjeni stvaraoci, ugledni univerzitetski profesori, akademici i društveni radnici iz Bosne i Hercegovine, Hrvatske i Slovenije. Među njima su i akademici Božidar Matić, Lamija Tanović i Ilija Mamuzić, pa prof. dr. sc. Sreto Tomašević, prof. dr. sc. Sulejman Muhamedagić, prof. dr. sc. Željko Škuljević, prof. dr. sc. Franc Vodopivec, prof. Ismet Kasumagić, bosanskohercegovački ekspert za oblast certifikacija i akreditacija Miloš Marković...*
- *Uvodne tekstove za knjigu napisali su premijer Zeničko-dobojskog kantona mr. Fikret Plevljak i rektor Univerziteta Zenica prof. dr. sc. Sabahudin Ekinović. Glavna i odgovorna urednica Monografije bila je prof. dr. sc. Mirsada Oruč,*

sadašnja prorektorica Univerziteta Zenica i nekadašnja višegodišnja direktorica Instituta, a među autorima tekstova su i aktuelni direktor Instituta mr. Milenko Rimac i jedan od bivših direktora – Seid Kapetanović.

- U Monografiji su, uz ostalo, objelodanjene i kratke biografije svih direktora Instituta od 1961. do 2011. godine (osnivač i prvi direktor, akademik Kemal Kapetanović, zatim Miloš Vukovojac, Zakir Pašalić, Salim Tarabar, Branko Todić, Seid Kapetanović, Mirsad Pojskić i Mirsada Oruč). Odgovarajući prostor posvećen je i čovjeku koji je najzaslužniji za stvaranje i dinamičan zamah Instituta – akademiku Kemalu Kapetanoviću i njegovom bogatom naučnoistraživačkom opusu.
- Tematski su obrađeni i saradnja i veze Instituta sa naučnim i drugim organizacijama širom svijeta, angažman Instituta u privrednom razvoju nedovoljno razvijenih zemalja, radni dometi stručnjaka i radnika pojedinih zavoda u graditeljskim poduhvatima u Bosni i Hercegovini, tretman Instituta u medijima i dodjeljivanje najviših priznanja u bivšoj Jugoslaviji i izvan nje.
- U Monografiji su objavljena i imena i prezimena svih radnika koji su od 1961. pa do kraja 2011. godine (njih 1.248) privređivali u Institutu, kao i fotografije-portreti svih sadašnjih radnika što su radno angažovani u 14 organizacionih jedinica Metalurškog instituta "Kemal Kapetanović".
- Monografija je, u najkraćem, svjedočanstvo o rastu i razvoju Instituta, koji je svojevremeno bio jedna od najpoznatijih naučnoistraživačkih institucija na prostorima bivše zajedničke države. Ona je, zapravo, nastojanje da se sačuva od zaborava i zapiše sve što je važno, ili najvažnije za ovaj kolektiv i njegovo trajanje u proteklih pet decenija.

Zenica, 19.12.2012.